



# Put do velikih visina...



SOS DJEČIJA  
SELA  
BOSNA I HERCEGOVINA

Dragi prijatelji i prijateljice,

Nadamo se da ste nam dobro i zdravo, te da uživate u zimskim danima. Kako se bliži kraj ove godine, uvijek shvatimo da uspjesi nikada ne dolaze sami, a mi smo sretni i zahvalni što ih redovno možemo podijeliti sa vama, našim najbližim prijateljima. Ponosni smo na naše mališane koji hrabro koračaju kroz život i nižu samo pozitivne rezultate, a dobar dio njihovih uspjeha nosite i vi. Vjerujemo da ste ponosni na sva dobra djela koja činite kroz kontinuiranu podršku koju nam pružate.

Kao što već sigurno znate, mnogi mališani koji odrastaju u našoj brizi vrijedni su i mimo školskih aktivnosti, pa tako u našim SOS Dječijim selima imamo uspješne članice jednog košarkaškog kluba u Gračanici, Azru i Anju, koje su se baš nedavno vratile sa jednog turnira, odakle nose mnogo lijepih uspomena. Kada god sretnemo našu Andreu, ona žurno korača iz škole jer žuri na svoj trening kungfu-a, a naša Naida se već dugi niz godina bavi plesom i toliko je dobra da je postala mlada trenerica i već pomaže svom treneru. Mi smo sigurni da će za nju, ali i za sve njih, vrijediti izreka: „učenik je postao bolji od svog učitelja“!

Uspjesi prate i one najmlađe među nama, kao što je naš Tarik, koji je ove godine krenuo u prvi razred osnovne škole, a u SOS Dječije selo u Gračanici stigao je kada je imao svega 6 mjeseci. Njegova SOS mama Dijana kaže da je Tarik jedva čekao da krene u prvi razred i upozna nove drugare i učitelja, te da je ovo novo poglavlje u njegovom životu u potpunosti ispunilo njegova očekivanja! Tarik svako jutro ustaje radostan, a SOS braća i sestre mu svakog jutra naprave užinu i pomažu mu da spremi svoju školsku torbu. Svi za jednog, jedan za sve!

Ono što nam je posebno obilježilo godinu koja je sada već na izmaku jeste pobjeda naših dječaka na Svjetskom šampionatu u nogometu za djecu u brizi! Na ovoj smotri takmičile su se 24 države, a bh. reprezentacija, koju je činilo 10 sjajnih momaka iz SOS Dječijeg sela u Sarajevu, u finalu je pobijedila ekipu Poljske. Cijeli turnir se prenosio uživo, a samo finalnu utakmicu je gledalo više od 30.000 ljudi online putem! Svaka čast još jednom našim zlatnim dječacima!

Dječaci i djevojčice iz SOS Dječijih sela u BiH prije nekoliko dana imali su priliku u okviru škole plivanja upoznati i družiti se sa sjajnom Lanom Pudar. Mladi plivači i plivačice s oduševljenjem su slušali savjete naše Lane, koja je izdvojila vrijeme za druženje sa našim mališanima. Bilo je ovo sjajno druženje koje će zauvijek ostati u srcima malih plivača i plivačica, koji su uz plivanje naučili ponešto i o tome kako postati šampion. Možda smo subjektivni, ali i mi znamo ponešto o tome kako biti šampion, zar ne? :)

Do velikih se visina penjemo krivudavim stepenicama, ali mi smo sretni i zahvalni što nas upravo vi, naši kumovi i kume, pratite na tom putu i pružate nam svoju kontinuiranu podršku. Bez nje, svi mali i veliki uspjesi bili bi teško ostvarivi.

Uz ovo pismo vam šaljem i mali znak pažnje i zahvalnosti za prijateljstvo – crtež jednog preslatkog osmogodišnjaka.

Hvala vam za sve što ste uradili u godinama koje su iza nas, iskreno se radujemo nastavku našeg prijateljstva.

S ljubavlju,

Džana Olovčić  
SOS Dječija sela u BiH



NIJEDNO DIJETE  
NE TREBA  
ODRASTATI SAMO.

\*Zbog zaštite privatnosti  
imena i fotografije su izmijenjene.



SOS DJEČIJA  
SELA  
BOSNA I HERCEGOVINA

NIJEDNO DIJETE  
♥ NE TREBA ♥  
ODRASTATI SAMO.

30  
godina



Dragi prijatelji,

Ja se zovem Malik, imam 8. godina i treći sam razred. Ova godina mi je bila super! Drugi razred sam razvio kao odličan, a kada sam krenuo u treći, samnom u klupu je sjed Damiir - mislim da će on biti moj najbolji drug razvijek. Volim fudbal i sa svoja dva starija brata se često igram ispred kuće. Nekada budem golman, a nekada me puste i da budem u napadu. Mlaka sestra Maja je tek krenula u vrtić, a najstarija u srednju školu. Kažu da im se sviđa. Ubi jedva čekamo doček nove godine jer mama napravi super kolače, a mi okitimo cijelu kuću. Prole godine sam napravio prije 12 sati, a ove godine sigurno neću.

Mama je rekla da vi mama puno pomažete, pa sam vam napisao ovaj listić da vam se zahvalim - stavite ga na kuhinjski da vas podsjeća na nas.

Vas Malik